

增節標目音註精議資治通鑑

九



增節標目音註精議資治通鑑卷第十九

外紀諸家節本多自黃帝始惟良齋本始自包犧氏然皆無三皇五帝之別皇帝之稱六經未嘗見自秦漢而下言言之此本亦無三五之號包犧氏神農氏則但紀事而黃帝而後始用甲子紀年舊本闕少昊八十四年考其甲子閒斷不合今依良齋本亦附入又別本多言炎帝牛首堯命羿射日等事似失誕妄今未敢取恐為後人惑覽者詳之

外紀

包犧氏

秘書丞劉

恕編

都陳

包犧氏母曰風姓生於成紀上古至周厲王無年可紀而皇甫謐疑事異端備列於象日月之明謂之太昊取犧牲以充庖厨號包犧後世音謬謂之伏犧或謂之處犧一號皇雄氏黃熊都陳上古之時人民無別羣物不殊未有三綱六紀衣食器用之利臥則呿呿起則吁吁飢則求食飽即棄餘茹毛飲血而衣皮革伏犧德合上下天應以鳥獸文章地應以河圖洛書則而象之仰觀象於天

鑑十九

川何

卦畫八

以龍紀官  
定人倫

俯觀法於地中觀萬物之宜造八卦始作三畫以象二十四氣因而重之爻象備矣筮之紀陽氣之初以為律法建五氣立五常定五行始名官而以龍紀有甲歷五運象法乾坤以正君臣父子夫婦之義繼天而王為百王先以木德王度時制宜作為罔罟以佃以漁以贍民用制嫁娶以儷皮為禮於是人民乃治君親以尊臣子以順羣生和洽各安其性在位一百二十年至周任宿頌句頡

神農氏

神農氏姜姓母曰任已有蟠氏女名長於姜水以火承木故為炎

播五穀

嘗百草

以火紀官

帝古者民茹艸飲水采樹木之實食羸蛇之肉多疾病毒傷之害神農以為人民眾多禽獸難以久養乃求可食之物相土地燥濕肥境高下因天之時分地之利教民播種五穀作陶冶斧斤為耒耜鉏耨以墾艸莽然後五穀興以助果蓏實而食之又嘗百草酸鹹之味察水泉之甘苦令民知所避就當此之時一日而遇七十毒神而化之使民宜之天下號曰神農本起烈山稱烈山氏一曰連山氏伊耆氏大庭氏魁隗氏都魯以火紀官其俗樸重端殼不

削桐為琴

忿爭而財足無制令而人從威厲而不殺法省而不煩列國於國日中為市以聚貨帛國實民富而教化成削桐為琴繩絲為絃以通神明之德合天人之和諸侯夙沙氏叛不用命箕文諫而殺之神農退而修德夙沙之民自叛其君而來歸其地南至交趾北至幽都東至暘谷西至三危莫不聽從在位一百二十年

帝承在位六年

帝明在位四十九年

帝直在位四十五年

帝釐在位四十八年

帝哀在位四十三年

帝榆罔在位五十五年帝釐神農為之號三百六年

### 黃帝

黃帝有熊國君少典之子姓公孫名軒轅皇甫謐曰有熊地名今河南新鄭是也索隱曰少典者諸侯國號非人名也居軒轅之丘因以為名又以為號生於壽丘長於姬水改姓

### 鑑十九

### 二

姬神農世衰孫道德衰薄非指炎帝之身諸侯相侵伐暴虐

百姓而弗能征軒轅習用干戈以征不享諸侯咸來賓從蚩尤

最為暴炎帝侵陵諸侯軒轅修德振兵治五氣藝五種撫萬民

度四方與炎帝戰於阪泉之野三戰然後得志蚩尤作亂戮於

中冀名其地曰絕轡之野諸侯咸尊軒轅代神農氏為天子

元年亥是為黃帝始制法度万世不易有土德之瑞故天下以為號一曰軒轅氏三統歷曰有軒冕之有熊氏有熊國黃帝之所都受國於有熊帝

鴻氏歸藏氏天下不順者從而征之東至于海西至于崆峒南至

于江北逐葷粥而邑于涿鹿之阿遷徙無常處以師兵為營衛成

命百物以明民共財受地形象天文以雲紀官舉風右力牧大山

稽常先大鴻得六相而天地治神明至帝受河圖見日月星辰之

象於是始有星官之書命大撓撓教探五行之情占斗綱所建始

作甲子命容成造曆命隸首作筭數伶倫自大夏之西阮隃之陰

取竹於嶰谿之谷以生空竅厚鈞者斷兩節間長三寸九分而吹

之以為黃鍾之宮制十二筒以聽鳳凰之鳴而別十二律其雄鳴

戮蚩尤

以雲紀官

始作甲子

作咸  
池樂  
作舟  
車  
制井  
田

以鳥  
紀官

淵靜  
有謀

為六雌鳴亦六以此黃鍾之宮生六律六呂候氣之應以立宮商  
之聲治陰陽之氣節四時之度推律曆之數起消息正閏餘作五  
聲以正五鍾五官以正人位又命伶倫與榮接鑄十二鍾以和五  
音命曰咸池命車區占星氣容成兼而總之皆儲姬為文章以表  
貴賤文章賦賦作舟車以濟不通出前地畫壘音分州得百里之國  
萬區使八家為井井開四道而分八宅鑿井於中一則不洩地氣  
二則無費一家三則齊風俗四則齊巧拙五則通財貨六則存士  
更守七則出入相司八則嫁娶相懋九則有無相貸十則疾病相  
救是以情性可得而親生產可得而均欺陵之路塞聞訟之心弭  
井一為鄰鄰三為朋朋三為里里五為邑邑十為都都十為師師  
十為州分之於井而計於州則地著而數詳人民不夭百官無私  
帑不預賈城郭不閉邑無盜賊相讓以財風雨時五穀登虎豹不  
妄噬鷙鳥不妄搏遠夷之國莫不獻其貢賦黃帝之子二十五宗  
其四母之子得姓者十四人別為十二姓姬酉祁已滕箴任苟偃  
姁僕依二人為姬二人為己正妃西陵之女曰嫫祖生二子一曰  
玄蹻是為青陽名摯二曰昌意居若水為諸侯娶蜀山氏女曰昌  
僕黃帝崩葬橋山在位一百年

鑑九

三

少昊

少昊黃帝之子名摯是為青陽居江水有聖德邑于窮桑天下  
號曰窮桑帝一曰帝宣姬姓

元年卯以金德王號金天氏能修太昊之法故曰少昊或云金天  
國號少昊身號以鳥紀官都曲阜別為己姓之祖昌意子顓頊十  
年而佐少昊十二而冠少昊在位八十四年崩壽一百歲葬雲陽

顓頊

顓頊黃帝之孫二十登帝位以水德王

元年舜都衛故為帝丘後徙高陽稱高陽氏或云顓者專也頊者  
正也能專正天人之道故稱之黃帝之孫昌意之子也靜淵以有  
謀疏通而知事養材以任地載時以象天依鬼神以制義治氣以  
教化絜誠以祭祀北至于幽陵南至于交趾西至于流沙地理志  
在張掖東至于蟠木動靜之物大小之神日月所照莫不砥屬在

位七十八年崩壽九十八歲葬濮陽生子曰窮蟬而玄蹠之孫高辛立是為帝嚳

帝嚳

帝嚳黃帝曾孫也姓姬三十登帝位以木德王

元年配號高辛氏高辛父曰蟠極蟠極父曰玄蹠玄蹠父曰黃帝

生而神靈

皇補謚曰都堯是高辛生而神靈自言其名普施利物不於其身聰

以知遠明以察微順天之意知民之急仁而威惠而信修身而天

下服納四妃元妃有郃氏女曰姜嫄生棄次妃有娥氏女曰簡狄

生契次妃陳鋒氏女曰慶都孕十四月生堯於丹陵次妃姬訾氏

女曰常儀生摯帝嚳在位七十年崩葬宜陽或云濮陽子摯立九

年不善崩故不乘五運弟放勳立是為帝堯

帝堯

帝堯摯之子摯之弟也姓伊祁摯立封為唐侯摯崩立

元年成號陶唐氏以火德王都平陽尚白薦玉以白繒茅茨不翦

樸桷不斲素題不斲大路不畫越席不緣大羹不和粢食不毀藜

八鑑十九

四

藿之羹飯於土簋飲於土劔金銀珠玉不飾錦繡文綺不展奇怪

異物不視玩好之器不寶淫泆之樂不聽宮垣屋室不墜色布衣

拊形鹿裘御寒衣履不敞盡不更為也不以私曲之故害耕稼之

時吏忠正奉法者尊其位廉貞平絜愛民者厚其祿民有孝慈力

耕桑者遣使表其閭正法度禁詐偽存養孤寡自奉其薄賦役其

寡存心於天下加志於窮民一民飢則曰我飢之也一民寒則曰

我寒之也一民有罪曰我陷之也百姓戴之如日月親之如父母

仁昭而義立德博而化廣故不賞而民勸不罰而民治是時洪水

為災帝咨四岳有能俾乂僉曰鯀哉帝命之九載績用弗成帝娶

散宜氏女曰女皇生丹朱不肖堯在位七十年求異位四岳薦舜

帝曰兪子聞如何岳曰瞽子父頑母嚚象傲克諧以孝丞丞乂不

格姦帝曰我其試哉妻以二女二女嬪於虞遂使攝位又二十八

年堯崩在位一百年壽一百一十六歲舜即天子位葬穀林

帝舜

黃帝八代孫也黃帝生昌意昌意生顓頊顓頊生窮蟬窮蟬生

洪水為災舉舜代位

茅茨不翦

盡孝  
弟之道

舉八  
元凱

去四  
凶

作韶  
樂歌  
南風

敬康敬康生句芒句芒生螭牛螭牛生瞽瞍瞽瞍生舜姓姚氏

舜母死繼母生象父母及象皆下愚不移瞽瞍惑於後妻及少

子常欲殺舜舜盡孝悌之道事父母待其弟尤加恭順出史記

耕於歷山鄭玄曰歷山之人皆讓畔漁於雷澤麟玄曰雷澤今屬濟陰

雷澤之人皆讓居陶于河濱皇甫謐曰濟陰定陶西南陶丘亭是也河濱之器不

苦窳索隱曰窳游庸也反馴謂窳病也所居成聚二年成邑三年成都二十以孝

聞三十堯子丹朱不肖求可以代已位者四岳羣臣皆舉舜堯

乃召舜舜至歷試諸難使之慎微五典五典克從納于百揆百

揆時叙賓于四門四門穆穆納于大麓堯于太山之烈風雷雨弗迷典舜高陽氏有才子八人左觀天下謂之八凱高辛氏有

才子八人左觀天下謂之八元世濟其美索隱曰濟成也言堯後代成前代也

未及舉舜舉八凱使主右土舉八元使布五教於四方堯於是

使舜攝位又帝鴻氏有不才子號曰渾沌通不鯀少昊氏有不才

子號曰窮奇其奸窮顓頊氏有不才子號曰檮杌頑凶無儔縉

雲氏有不才子號曰饕餮貪財曰饕餮謂之四凶堯未能去舜皆

卷之九

五

投諸四裔即共工驩兜三苗鯀也出左舜以鯀治水無成功於

是鯀鯀于羽山舉其子禹使之治水

怨曰八元八凱堯之諸父昆弟四凶之罪著於海內堯知舜於

側微天下未盡服遺之大功二十舉十六合舉十六使臣民仰

其功業鄭玄以四凶在朝為亢龍有悔焉足以知聖人哉此書

故不稱

舜攝位之後二十八年堯崩舜避堯之子於南河之南天下朝

覲謳歌獄訟者不歸堯之子而歸舜舜遂即天子之位

元年蚩舜既即位號有虞氏以土德王都蒲坂尚赤其社用土使

禹為司空棄為后稷契為司徒皋陶為士垂為共工益為虞伯夷

為秩宗后夔典樂龍作納言所謂九官也作九韶之樂出史記彈五

絃之琴歌南風之詩以阜財解慍封弟象於有庠為諸侯舜之子

商均不肖舜薦禹於天使代已位舜在位五十年南巡狩崩于蒼

梧之野葬於江南九疑是為零陵壽一百一十歲禹避舜之子於

陽城天下不歸商均而歸禹禹遂即天子之位

恕曰六經惟春秋及易象象文言說卦序卦雜卦仲尼所作詩書仲尼所刪定皆不稱三皇五帝三王易下繫曰古者包犧氏之王天下也包犧氏沒神農氏作神農氏沒黃帝堯舜氏作繼世更王而無三五之數或以包犧至舜為五帝孔子未嘗道學者不可附會臆說也管子稱明一者皇察道者帝通德者王謀得兵勝者霸孔穎達曰管子書或是後人所錄非本書也莊子列子皆寓言誕妄秦漢學者宗其文辭論議故競稱三皇五帝而不知古無其人仲尼未嘗道也梁武帝以伏犧神農燧人為三皇黃帝少昊帝嚳帝摯帝堯為五帝舜非三王亦非五帝與三王為四代其指不通歷世紛紛莫知定論也

太史公曰學者多稱五帝尚矣然尚書獨載堯以來而百家言黃帝其文不馴雅薦紳先生難言之繡紳猶也孔子所傳宰子問五帝德及帝繫姓儒者或不傳余嘗西至崆峒北過涿鹿東漸于海南浮江淮矣至長老皆各往往稱黃帝堯舜之處風教固殊焉總之不離古文者近是予觀春秋國語其發明五帝德帝繫姓章矣顧弟弗深考其所表見皆不虛書錄有閒矣其軼乃時時見於他說非好學深思心知其意固難為淺見寡聞道也余并論次擇其言尤雅者故著為本紀書首

右甲子紀年等事並出外紀

外紀夏紀

大禹

黃帝之玄孫也姓姁氏黃帝生昌意昌意生顓頊顓頊生鯀鯀生禹堯時洪水滔天鯀治水無功殛死舜既攝位舉禹使續父業禹為人克勤敏給其德不違其仁可親其言可信聲為律身為度禹傷父鯀功不成而受誅乃勞身焦思居外十三年過家之門不入陸行乘車水行乘舡泥行乘橇舡倫山行乘橇勸反橇之類左準繩右規矩載四時以開九州通九道陂九澤度九山命益予衆庶之稻可種卑濕命后稷予衆庶難得之食食少調有餘以均給諸侯禹乃行相地所有以貢及山川之便利於是水害皆息九州攸同四隩可居隩於堯於是錫禹以玄圭



告其成功舜既即位乃使禹為司空以宅百揆舜崩禹遂即天子之位

元年娥禹既即位號夏后氏以金德王都安邑或云平陽亦云晉陽及韓仍有

虞以建寅月為歲首色尚黑牲用玄以黑為徽號作樂曰大夏夏

大也言能大堯舜之德也縣鐘鼓磬鐸鞀音桃以待四方之士曰教

寡人以道者擊鼓諭以義者擊鍾告以事者振鐸語以憂者擊磬

有獄訟者搖鞀一饋而十起一沐三握髮以勞天下之民 出見

罪人下車問而泣之左右曰罪人不順道君王何為痛之禹曰堯

舜之人皆以堯舜之心為心寡人為君百姓各自以其心為心是

以痛之 初舜分天下為十二州禹復為九州 收天下美銅鑄

為九鼎以象九州 昔黃帝作車少皞加牛奚仲加馬禹命奚仲

為車正建旌旗旂旒以別尊卑等級 古有醴酪上音禮下音亂禹時儀

狄作酒禹飲而甘之遂疏儀狄絕旨酒曰後世必有以酒亡國者

禹任臯陶益以國政 是時天雨去聲金三日 禹娶塗山氏女

生子啓禹南巡守會諸侯於塗山承唐虞之盛執玉帛者萬國禹

鑑九

七

濟江黃龍負舟舟中人懼禹仰天而歎曰吾受命於天竭力而勞

萬民生寄也死歸也余何憂於龍焉視龍猶蠖蟻上音優下音禹

顏色不變須臾龍俛耳低尾而逝禹致羣臣於會稽致猶防風氏

後至禹戮之 有典則以貽子孫禹嘗薦益於天七年禹崩在位

九年壽一百歲益避位於箕山天下之人不歸益而歸啓啓乃即

天子之位

恕曰帝舜受堯顧託之重而不私其親禹平水土拯民昏墊舜

在位五十載功德浹於人心故巡狩不返欲兆庶專意戴禹而

遠邇無後望之意故堯舜之德禹之大功自生民以來未之有

也

又曰大江之南前代要服舜禹南巡崩不返葬禹非不尊而敬

舜也啓非不孝於其父也時享在乎廟貌魂氣則無所不之也

秦漢以下崇尚墓祭違經棄禮遠事尸柩難以語乎理矣

帝啓

禹之子也初禹常薦益於天既得七年禹崩益避啓於箕山天

下車 泣罪人 鑄九鼎 惡旨酒 會諸侯 侯于塗山 戮防風氏

享鈞  
臺伐  
有扈

下諸侯朝覲及謳歌訟獄不之益而之啓曰吾君之子也啓乃即位

元年打啓既即位乃即鈞臺以享諸侯時有扈氏無道啓召六卿以征之啓在位九年崩壽年不言子太康立

太康

啓之子也

元年丙太康即位荒逸弗恤國事敗獵於洛水之表十旬弗歸有窮后羿射日名同非堯時因民之怨距之於河弗許歸國歎弟五人作歌以怨之堯書太康既失國不得歸在位二十九年  
后羿乃立太康之弟仲康

仲康

太康之弟也

元年配仲康既即位命胤侯征羲和仲康之立出於后羿后羿專權羲和守義不服故后羿假仲康之命以征之此義出於東坡書解在位十三年崩壽年不言子相立

鑑十九

八

何

帝相

仲康之子也

寒浞  
殺羿

元年成帝相既立時權歸后羿羿既專夏權相為羿所逐失國居商丘依夏同姓諸侯斟灌斟鄩在位二十八年羿因夏民以代夏政有寒浞初落者后羿之嬖臣也陰欲奪羿之位而羿不之知其後遂殺羿羿立八年寒浞居其位立三十二年為少康所滅

索隱曰左傳魏莊子曰昔有夏之讓也后羿伯錡遷于窮石因夏民而代夏政恃其射也不肯入夏之事而信用伯錡錡之子寒浞因夏殺羿斟灌氏以食其子而不忍食殺于窮寒浞因羿室生澆及豷使澆滅斟灌氏及斟鄩氏而相為澆所滅后歸于有仍生少康有仍之臣靡自有其國之虛以滅浞而立少康少康滅澆于過右村滅豷于戈有窮遂亡

按史記帝相之後即列少康而外紀編年右羿滅夏氏代夏政后羿丙寅年即位在位八年寒浞甲戌年即位在位三十二年外紀注云恐史記有脫略今以左氏傳考之當從外紀

少康

帝相之子也其母帝相之后有仍國君之女也寒浞殺羿滅夏氏時少康方在懷妊相后乃奔歸有仍之國而生少康焉有田

滅浞  
歸故  
都

一成野有衆一旅五百人能布其德而非其謀以收夏衆而撫其官夏有舊臣靡臣之自有葛氏音曠舉兵滅浞而立少康少康使其臣女艾滅澆吾紹于過使其子季杼反澆豷于戈豷音既反

澆豷二國名子乃歸故都即位詳見左傳

元年丙於是夏道復興諸侯來朝在位二十一年崩不言子杼立

帝杼

少康之子也

元年丁帝杼既嗣立居位享國凡十有七年崩不言帝杼既崩子

槐立是為帝槐索隱曰槐音回

帝槐

杼之子也

元年甲帝槐嗣立享國居位凡二十有六年而崩帝杼既崩不言

子芒立是為帝芒索隱曰音之鄉誕生又音荒也

帝芒

槐之子也

鑑十九

九

何

元年庚帝芒既嗣立居位享國凡十有八年而崩帝芒既崩不言

子泄立是為帝泄

帝泄

芒之子也

元年辰帝泄既嗣立是時六夷從服始加爵命之制帝泄在位凡

十有六年而崩不言子不降立是為帝不降

不降

泄之子也

元年甲帝不降嗣立居位享國凡五十有九年崩不言帝不降既崩弟

扃立是為帝扃

帝扃

不降之弟也

元年癸不降之弟帝扃嗣立居位享國凡二十有一年崩帝扃既

崩不言子廩立是為帝廩索隱曰音覲鄉誕生又音勤

帝廩

六夷  
從服

高之子也

元年甲帝廩嗣立位享國凡二十年崩帝廩既崩不言不降子孔甲立是為帝孔甲

孔甲

不降之子也

元年甲既即位淫亂好鬼神之事不務脩德諸侯多叛時天降乘龍河漢各二有雌雄孔甲不能食措而未獲豢龍氏豢音患陶唐氏既衰其后有劉累學擾龍于豢龍氏事孔甲能飲食之夏后嘉之賜氏曰御龍以更豕韋之後龍一雌死潛醢醢以食夏后夏后饗之既而使求之累懼而遷于魯縣在位三十一年崩不言子臯立是為帝臯

劉累御龍

好鬼神

帝臯

孔甲之子也

元年甲帝臯既立享國在位凡十有一年而崩不言帝臯既崩子發立是為帝發

鑑十九

十

帝發

臯之子也

元年甲帝發既立享國在位凡十有三年而崩不言帝發既崩子履癸立是為帝履癸

履癸

發之子也是為桀

謚法賊虐多殺曰桀

肉山酒池

元年起自孔甲以來諸侯多叛桀尤為無道暴戾頑很貪虐淫荒戕傷百姓天下顛恐顛音而患之桀有力能甲鐵鉤索伐有施氏有施人以妹喜女焉妹喜有寵所言皆從為傾宮瑤臺彈百姓之財肉山脯林酒池可以運舡糟隄可以望十里一鼓而牛飲者三千人妹喜笑以為樂殷湯脩德諸侯畏服桀起九夷之師欲以伐湯九夷之師不至伊尹佐湯帥師以伐桀桀戰不勝奔於三股之國湯又從而伐之放於南巢而死在位五十一年

右夏紀甲子紀年等事並通鑑外紀所載夏歷世起戊戌終已酉十七君一十四世通拜泥凡四百二十

二年史記注四百七十八年

太史公曰禹為姒姓其後分封用國為姓故有夏后氏有扈氏有男氏斟尋氏彤城氏褒氏費氏杞氏繒氏辛氏真氏斟氏戈氏孔子正夏時學者多傳夏小正云自虞夏時貢賦備矣或言禹會諸侯江南計功而崩因葬焉命曰會稽會稽是會會計也會稽山在浙江之東即其地也

外紀殷紀外紀云國號商盤庚以後方始號殷

成湯

黃帝之後也姓子氏初帝嚳次妃簡狄見玄鳥墮卵取而吞之遂生契嚳契事唐虞為司徒教民有功封於商賜姓子氏契生昭明昭明生相土相土生昌若昌若生曹圉曹圉生冥冥生振振生微微生報丁報丁生報乙報乙生報丙報丙生主壬主壬生主癸主癸生天乙是為成湯 是時伊尹耕于有莘之野湯使人以幣聘之因說湯以伐夏救民之事湯進伊尹于桀桀不能用伊尹復歸湯桀殺直臣龍逢衆庶莫敢直言湯使人哭之桀怒囚湯于夏臺已而得釋桀將亡賢臣費昌歸湯 湯出見

鑑十九

十一

祝網 去三面 放桀於南巢

改正朔

七年之旱

六事自責

人張網四面而祝之曰從天墜者從地出者從四方來者皆罹吾網湯解其三面止置一面更祝曰欲左者左欲右者右欲高者高欲下者下不用命者乃入吾網漢南諸侯聞之曰湯德及禽獸歸之者四十餘國 桀無道暴戾殘虐萬姓伊尹相湯伐桀費昌為御與桀戰於鳴條桀師敗績湯遂放桀於南巢諸侯大會湯退而就諸侯之位曰天子惟有道者可以處之可以治之三讓諸侯皆推湯於是即天子之位都於亳以水德王 元年煥湯既即位反桀之事以寬治民除其邪虐順民所喜遠近歸之乃改正朔 自夏之前皆以建寅之月為正月湯既革夏命乃以建丑之月為正月又云以十月冬至為元首至周從之未知何據色尚白牲用白以白為徽號服皞冠而縞衣 初置二相以伊尹仲虺為之 大旱七年太史占之曰當以人禱湯曰吾所為請兩者民也若以人禱吾請自當遂齋戒剪髮斷爪素車白馬身嬰白茅以身為犧禱於桑林之野祝曰無以余一人之不敏傷民之命以六事自責曰政不節歟民失職歟宮室崇歟女謁盛歟苞苴行歟讒夫昌歟言未

已大雨方數千里 又以莊山之金鑄幣救民之命 作樂曰大  
濩初作囿取禽獸以奉宗廟在位十三年崩壽一百歲太子太丁  
早卒湯崩次子外丙立

外丙

湯之子也

元年癸在位二年而崩不言壽弟仲壬立按尚書成湯既沒無太子

外丙二年仲壬四年  
外紀引孟子為是

仲壬

外丙之弟也

元年丑仲壬既嗣立在位享國凡四年而崩不具壽仲壬既崩湯太

子太丁之子太甲立是為太甲

太甲

湯之嫡孫太丁之子也

元年巳既即位不明厥德顛覆湯之典刑伊尹放之於桐宮湯之墓所

乃自攝政當國以朝諸侯太甲居桐三年自怨自艾處仁遷義伊

人鑑一九

十二

尹乃以冕服奉太甲復歸于亳太甲增加脩德諸侯咸歸保惠庶  
民不敢侮鰥寡號為太宗在位三十三年崩不具壽子沃丁立

沃丁

太甲之子也

元年不具壽沃丁嗣位委任賢臣咎單咎單一順伊尹所行之事在位

二十九年而崩不具壽弟太庚立

太庚

沃丁之弟也

元年梓太庚嗣立在位享國凡二十有五年而崩不言壽太庚既崩

子小甲立是為小甲

小甲

太庚之子也

元年不具壽小甲嗣位享國在位凡三十有六年而崩不具壽小甲既崩

弟雍已立是為雍已

雍已

自怨  
自艾

小甲之弟也

元年不具雍已嗣位商道浸衰諸侯或不至在位享國凡十有三年而崩不具弟太戊立是為太戊

神太戊

雍己之弟也

元年配亳有祥桑穀共生于朝七日大拱太戊問於伊陟伊陟曰妖不勝德君之政其有闕歟太戊於是脩先王之政明養老之禮早朝晏退問疾吊喪三日而祥桑枯死三年遠方重譯楛而至者七十六國有賢臣巫咸臣扈等共輔佐之商道復興號稱中宗在位七十五年崩不具子仲丁立

仲丁

太戊之子也

元年不具仲丁既立是時亳都有河決之害乃自亳遷都于囂藍夷為寇仲丁征之在位十有一年而崩不具弟外壬立

外壬

一 蓋十九

一 三

何

仲丁之弟也

元年不具外壬嗣立享國在位凡十有五年而崩不具外壬既崩弟河曹甲立是為河曹甲

河曹甲

外壬之弟也

元年不具河曹甲立是時囂都有河決之害遂自囂遷都于相在位凡九年而崩不具子祖乙立

祖乙

河曹甲之子也

元年不具祖乙既立是時相都又有河決之害乃自相而遷都于耿在位凡十有九年而崩不具子祖辛立

祖辛

祖乙之子也

元年不具祖辛嗣立享國在位凡十有六年而崩祖辛既崩不具弟沃甲嗣位是為沃甲

脩德  
桑枯  
死

沃甲

祖辛之弟也

元年煇沃甲嗣立享國在位凡二十年而崩沃甲既崩不言祖辛  
之子祖丁立

祖丁

祖辛之子也

元年煇祖丁嗣立居位享國凡三十有二年而崩不言祖丁既崩  
沃甲之子南庚立

南庚

沃甲之子也

元年南庚嗣立居位享國凡二十有九年而崩不言南庚既崩  
祖丁子陽甲立

陽甲

祖丁之子也

元年粹自仲丁以來子弟爭立九世亂諸侯莫朝仲丁在位七年  
而崩不言弟盤庚立

盤十九

十四

何

盤庚

陽甲之弟也

復居故都

元年戴盤庚嗣立時商道寢衰耿都又有河決之害乃自耿遷都  
於亳臣民皆安土重遷盤庚作書以告諭臣民遂遷于亳從湯所  
都盤庚行湯之政商道復興諸侯來朝在位二十八年而崩不言  
弟小辛立

小辛

盤庚之弟也

元年兩小辛嗣立殷道又衰小辛在位凡二十有一年而崩不言  
小辛崩其弟小乙立

小乙

小辛之弟也

元年兩小乙嗣立在位享國凡二十有一年而崩不言小乙既崩  
其子武丁立是為高宗



帝資良弼

伐鬼方

高武丁

小乙之子也

元年武丁自為太子之時備知民事艱難小乙崩武丁居喪三年不言既免喪亦不言夢上帝資以良弼乃使人以形旁求於天下得傳說於板築之間命以為相進諫論列天下之事君臣道合政事脩舉武丁祭成湯有飛雉升鼎耳而雉鳴也其右反祖己訓諸王武丁內反諸己以思王道三年蠻夷編髮重譯來朝者六國自是章服多用翟羽用所貢服鬼方無道武丁伐而三年克之殷道復興號為高宗在位五十九年而崩壽不言于祖庚立劉恕曰武丁即位之初殷道中衰甘盤遜世朝多具臣傳說賢而隱於胥靡一旦舉而用之出於微賤衆必駭怪故託於夢寐旁求天下置諸左右如天所授群臣莫之疑懼而傳說之道得行也若不知其才徒以夢取則與王莽按符命以王興王盛為四將光武據讖用王梁為司空何異哉仲尼刊書而存之可以見武丁之意矣

卷十九

十五

何

祖庚

高宗之子也

元年武丁祖庚嗣立在位享國凡七年而崩壽不言祖庚既崩其弟祖甲立是為祖甲

祖甲

祖庚之弟也

元年祖甲祖甲嗣立為人淫亂殷衰在位享國凡十有六年而崩壽不言子廩辛立

廩辛

祖甲之子也

元年廩辛嗣立在位享國凡六年而崩壽不言廩辛既崩其弟庚丁立是為庚丁

庚丁

祖甲次子也

元年廩辛既崩子武乙

立是為武乙

武乙

庚丁之子也

元年成時東夷侵盛分遷海岱武乙無道為偶人謂之天神與博不勝而戮之為革囊盛血仰射之謂之射天在位四年獵於河渭之間暴雷震死子太丁立

太丁

武乙之子也

元年成時周公季伐戎克之太丁命公季為牧師即周之王季也太丁在位三年而崩壽年不言子乙立是為帝乙

帝乙

太丁之子也

元年已時商益衰帝乙有三子長曰微子啓次曰仲衍季曰受德受德即紂也紂之母為后賢紂尚少帝乙及后欲立啓為太子太史據法爭之曰有妻之子不可立妾之子乃立紂在位三十七年

鑑十九

十六

何

崩不言壽年子紂立

紂

帝乙之子也是為紂蓋法損義殘善曰紂

元年丙紂資辨捷疾聞見甚敏材力過人手格猛獸智足以拒諫言足以飾非以為天下皆出己之下始為象箸象牙為箸筋與箸同箕子

玉杯象箸

歎曰彼為象箸必不盛以土簋將為犀玉之杯玉杯象箸必不羹菽藿衣短褐而舍於茅茨之下則錦衣九重高臺廣室稱此以求

天下不足矣遠方珍怪之物輿馬宮室之漸自此而始故吾畏其卒也幽史宋紂伐有蘇氏有蘇氏以妲己女焉葛反妲己有寵其

言是從所好者貴之所憎者誅之使師延作朝歌北鄙之音北里之舞靡靡之樂造鹿臺為瓊室玉門其大三里高千尺七年

靡靡之樂

乃成厚賦稅以實鹿臺之錢盈鉅橋之粟燎焚天下之財罷苦勞民之力收狗馬奇物充物充蒲也宮室以人食獸廣沙丘苑臺以酒

酒池肉林

為池縣肉為林使男女僕相逐於其閒宮中九市為長夜之飲百姓怨望諸侯有叛者妲己以為罰輕誅薄威不立於是重為刑

碎為熨斗以火燒然使人舉之手爛更為銅柱以膏塗之加於炭火之上使有罪者緣之足滑跌墜火中紂與妲己以為大樂名曰炮烙之刑紂以周侯昌王及九侯鄂侯為三公九侯進女於紂女不喜淫紂殺之而醢九侯鄂侯爭之併殺鄂侯昌聞之歎息崇侯虎以告且諧之紂乃囚昌於羑里昌之臣散且生闕天南宮括之徒相與求有莘氏之美女及珍寶因紂之嬖臣費仲進之紂大說乃釋昌罪賜弓矢斧鉞得專征伐為西伯昌退而脩德諸侯多叛紂而歸昌諸侯曰西伯蓋受命之君自是西伯更稱元年

劉恕曰无逸曰文王受命惟中身祚享國五十年武成曰我文考文王誕膺天命以撫方夏惟九年大統未集予小子其承厥志泰誓曰惟十有一年武王代殷惟十有三年春大會于孟津洪範曰武王勝殷殺受立武庚以箕子歸惟十有三祀王訪于箕子尚書大傳曰天之命文王非嘒嘒然有聲音也文王在位而天下大服施政而物皆聽命令則行禁則止動搖而不逆天之道故曰天乃大命文王文王受命一年斷虞芮之質二年伐

刑三年伐密須四年伐大戎五年伐耆六年伐崇七年而崩史記亦以斷虞芮之訟為受命之君明年伐大戎明年伐密須明年敗耆國明年伐邢明年伐崇侯虎明年西伯崩雖伐大戎伐耆伐邢之年與書傳不次然同云西伯七年崩伏生司馬遷不見古文尚書鄭玄專信讖候皆以文王受命七年而崩孔安國治古學見武成篇故泰誓傳曰周自虞芮質厥成諸侯並附以為受命之年至九年文王卒劉歆作三統曆考上世帝王以為文王受命九年而崩賈逵馬融王肅韋昭皆同歆說皇甫謐帝王世紀云文王即位四十二年歲在鶉火更為受命之元年始稱王矣引周書文傳解曰文王受命九年時惟莫春在鎬召太子發九年猶召太子明七年未崩也五經緯候言受命者謂有黃龍玄龜白魚赤雀負圖銜書以命人主易緯稱文王受命改正朔布王號於天下其書皆出西漢之末瓌詭譎怪不本經典故學者惑焉惟鄭玄依而用之大戴禮曰文王十五而生武王禮記文王世子云文王九十七而終武王九十三而終計文王

之崩武王八十三歲踰年改元至九十三適滿十年故知十一  
十三非武王之年自文王受命而數之也後世疑文王為諸侯  
而輒改元案史記秦惠王十四年更為元年汲冢紀年魏惠成  
王三十六年改元稱一年然則諸侯於其國各稱元年已之所  
稱中年可改秦魏或有因於古也

西伯侵阮祖共而伐密須又伐大夷勝黎祖伊恐奔告于紂紂曰  
我生不有命在天是何能為祖伊反曰紂不可諫矣

劉恕曰世之賤者衆而貴者鮮愚者多而賢者寡物情艱於自  
知不遇則生怨對故智者強名曰命以杜無妄之求中人安於  
擯棄俟時而不競蓋聖人以此籠羣愚而息爭端也夫謂之命  
則有命之者安可生而默定哉桀紂據禹湯之資不善守而亡  
之民斯為下矣其能不曰命哉

囚箕  
子殺  
比干

紂淫亂昏虐滋甚微子數諫不從去之箕子諫不聽乃被髮佯狂  
為奴隱而鼓琴以自悲故傳之曰箕子操紂囚之王子比干諫三  
日不去紂怒曰吾聞聖人心有七竅乃殺之剗視其心太師少師

鑑十九 八

抱持其祭樂器奔周昌卒其子發舉兵伐紂紂與戰不勝乃衣寶  
玉自焚而死在位三十三年

右殷紀年甲子及他事皆外紀所載也三十君合六  
百二十九年起庚戌終戊寅

太史公曰余以頌次契之事自成湯以來采於書詩契為子姓其  
後分封以國為姓有殷氏來氏宋氏空峒氏稚氏北殷氏日夷氏  
孔子曰殷路車為善而色尚白

增節標目音註精議資治通鑑卷第十九



增節標目音註精議資治通鑑卷第二十

外紀周紀上

京兆劉

恕

編

文武

后稷  
生於  
姜原  
為周  
之祖

公劉  
與周  
道

古公  
去邠

太伯  
讓國

周

其先祖后稷名棄其母有邰氏女曰姜原韓詩章句曰姜姓原字或曰姜原謚號也

姜原為帝嚳元妃出野見巨人跡心忻然說而踐之踐之而身

動如孕者居期而生子以為不祥棄之隘巷馬牛過者皆辟不

踐徙置之林中適會山林多人遷之又棄於渠中冰上飛鳥以

其翼覆之姜原以為神遂收養長之初欲棄之因名曰棄棄為

兒時屹如成人之志其游戲好種樹猶植也禾麻菽麥及為成人

遂好耕農相地之宜宜穀者稼穡焉民皆法則之帝堯聞之舉

為農師天下得其利有功封於邰音台號曰后稷別姓姬氏后稷

卒子不窋立都律不窋卒子鞠立鞠卒子公劉立公劉雖

在戎狄之間復修后稷之業百姓懷之多徙而保焉周道之興

實自此始公劉卒子慶節立國於豳徐廣曰新平漆縣之東北有豳亭慶節卒

鑑二

一

子皇僕立皇僕卒子差弗立差弗卒子毀隃立毀隃卒子公非

立公非卒子高圉立高圉卒子亞圉立亞圉卒子公叔祖立公

叔祖卒子古公亶父立古公亶父復脩后稷公劉之業積德

行義國人皆戴之薰鬻戎狄攻之古公遂去豳渡漆沮徐廣曰水在廣社

陽岐山杜陽縣在扶風踰梁山止於岐山之下徐廣曰山在扶風美陽西北

周地故豳豳人舉國扶老攜弱盡歸古公於岐下及他旁國聞

古公賢亦多歸之古公有長子曰太伯次曰虞仲其妃太姜生

少子季歷季歷娶太任皆賢婦人太任生子昌有聖瑞太伯虞

仲知古公欲立季歷以傳昌二人乃亡如荊蠻文身斷髮應劭曰常

在水故斷其髮文其身以象龍子故不復見用以讓季歷古公卒季歷立是為王季

修古公遺道篤於行義諸侯順之王季卒子昌立是為西伯

即文王也

文王既立伯夷叔齊孤竹君之子也讓國不仕聞西伯善養老盍

往歸之太顛闕夭散宜生鬻鬻子辛甲之徒皆往歸之呂望已年八

十餘釣于渭水西伯出獵見而載之以歸尊為太公崇侯虎諸

虞芮  
訟田

文王  
受命

武王  
立

武王  
伐紂

夷齊  
諫伐  
紂

周

西伯於殷紂紂乃囚西伯於羑里閔天之徒患之乃求有莘氏美女驪<sub>音離</sub>戎之文馬有能之九駟及奇怪之物因殷嬖臣費仲而獻之紂紂大說曰此一物足以釋西伯况其多乎乃赦西伯賜之弓矢斧鉞使西伯得征伐西伯陰行善諸侯皆來決平於是虞芮之人有獄不能決乃如周訟之及入界耕者皆讓畔民俗皆讓長辱耳遂還俱讓其田而不取漢南諸侯歸者四十國諸侯以西伯為受命之君以是年為受命之年受命凡九年壽年九十七西伯崩太子發立是為武王

武王既立以太公望為師周公旦為輔且武王之弟也召公奭畢公高<sub>皆姬姓也</sub>之徒皆左右武王率脩文王緒業時殷紂無道九年<sub>文即王崩年也</sub>武王東觀<sub>音貫示</sub>兵至于盟津<sub>音孟</sub>渡河中流白魚躍入王舟中<sub>馬融曰魚者介鱗之物兵象也白者殷家之正色言殷之兵象與周之家也</sub>武王俯取以祭既渡有火自上伏于下至于王屋<sub>王屋王屋之車也</sub>流為烏其色赤其聲魄<sub>馬融曰王屋王所居屋流也魄然安定意也鄭玄曰書說云烏有孝名武王卒著大業故烏瑞臻赤者周之正色也</sub>是時諸侯

八 孟二十一

二

不期而會盟津者八百諸侯皆曰紂可伐矣武王曰女未知天命未可也乃還師而歸居二年間紂暴虐滋甚殺王子比干囚箕子紂兄微子乃抱其樂器而奔<sub>音奔</sub>周於是徧告諸侯曰殷有重罪不可以不伐乃東伐紂十一年十二月戊午師畢渡盟津諸侯咸會陳師牧野帝紂聞武王來亦發兵七十萬人拒武王武王使師尚父與百夫致師<sub>周禮環人掌致師鄭玄曰致師者致其必戰也古者將戰先使勇力之士犯敵焉</sub>以大卒馳帝紂師紂師雖衆皆無戰心武王亟入紂師皆倒兵不戰以開武王武王馳之紂兵皆崩畔紂走反入登於鹿臺之上衣其珠玉自燔于火而死武王斬紂頭懸大白之旗於是諸侯尊武王為天子<sub>按書是十三年</sub>初武王伐紂伯夷叔齊叩馬諫曰父死不葬爰及干戈可謂孝乎以臣弑君可謂仁乎左右欲殺之太公曰義人也扶而去之及武王定天下宗周伯夷叔齊耻之不食周粟餓死于首陽山

怨曰易稱湯武革命應乎天而順乎人孔子曰伯夷叔齊求仁而得仁又誰怨二者意殊志戾蓋言湯武所以懼後世之為人君

者稱夷齊所以戒後人之為人臣者道博而同歸雖萬世無弊焉

封聖人後

元年祀武王為殷初定未集乃使其弟管叔鮮蔡叔度相紂之子武庚治殷已而命召公釋箕子之囚命畢公釋百姓之囚表商容之間命南宮括散鹿臺之財發鉅橋之粟以振貧弱氓隸命南宮括史佚展九鼎寶玉命閔天封比干之墓命宗祝享祠于軍乃罷兵西歸武王追思元聖乃褒封神農之後於焦黃帝之後於祝帝堯之後於薊音計帝舜之後於陳大禹之後於祀於是封功臣謀士而師尚父為首封於營丘曰齊封周公於曲阜曰魯召公奭於北燕畢公高於畢弟叔鮮於管叔度於蔡叔振鐸於曹叔武於邲叔處於霍康叔封封康叔聃季載皆少未封兼制天下立七十一國封兄弟之國十五人姬姓之國四十人周之子孫不狂惑者皆為諸侯左昭公武王克商姓有天子之國者四十一人武王既勝殷乃改正朔以建子為正月色尚赤服以冕王親虛已問箕子殷所以亡曰吾殺紂是與非與音與箕子不忍言殷惡而王亦醜之乃問以天

建子為正

箕子作洪範

鑑二十

三

何

肅慎氏貢楛矢

道作洪範封箕子於朝鮮而不臣也餘各以次受封班賜宗彝分殷之器物於諸侯融說記又書武王既勝殷惟周公留周佐王主謂周公曰自洛汭延于伊之汭居易無固其有夏之居我南望三塗北望嶽鄙顧瞻有河與瞻伊洛毋遠天室將營周居于洛邑縱馬於華山之陽放牛於桃林之野偃干戈振兵釋旅豐鼓旌甲兵藏之府庫示天下不復用通道于九夷八蠻各以其方賄來貢使無忘職業肅慎氏貢楛矢楛音石砮其長尺有咫王欲昭其令德之致遠以示後人使求監焉故銘其括曰肅慎氏之貢矢分同姓以珍玉展親也分異姓以遠方之職貢使無忘厥服也書紂王乃昭德之致于異姓之邦無替厥服分寶玉于伯叔之國時庸展親二年王有疾周公為壇告太王王季文王請代武王之死周公乃以卜書藏于金縢櫃中王疾瘳武王遷都于鄩而文王之廟乃在豐武王樂曰大武武王崩壽年九十三太子誦立

成王

諱誦武王之子也即位年十三

周

周公攝政

寤金

削桐封弟

越裳來朝指南車

周

元年炳周公居冢宰以王年幼恐天下叛乃攝政代王當國南面

負宸以朝諸侯成王將冠周公命史雍頌曰近於民遠於佞近於

義嗇於時任賢使能朝于祖以見諸侯管叔蔡叔霍叔皆文流言

曰公將不利於孺子奄君奄音掩武庚之黨也謂武庚曰此百世一時也請

舉事武庚從之與管叔蔡叔等同反周公乃作大誥奉王命以討

之曰天降威知我國有疵有疵謂管叔蔡叔以王親反為王室之病二年周公居東

討武庚管叔誅之放蔡叔於郭隣降霍叔為庶人遂定奄及淮夷

東土以寧方流言之初成王亦疑周公及開金縢見請代武王

之事乃感泣迎周公歸既誅武庚乃封微子以代殷後國號宋用

殷之禮樂於周為客而不臣謂待以賓客之禮五年王與其弟叔虞削桐

葉為珪戲曰吾以此封若史佚請擇日王曰吾與之戲爾史佚曰

天子無戲言言則史書之禮成之樂歌之遂封叔虞於堯之故墟

曰唐侯唐其後為晉春秋之世晉始大嘗主諸侯盟六年周公朝諸侯於明堂制禮作

樂頒度量而天下大服周公作樂曰勺言能勺先祖之道也又作

樂曰武以象武王伐紂之武功交趾南有越裳氏重譯音亦而後同

獻曰道路悠遠山川阻深恐一使不通故重三譯而來朝周公曰

德澤不加君子不饗其質政令不施君子不臣其人譯曰吾受命

吾國之黃耆曰天之無烈風淫雨海不揚波三年矣意者中國有

聖人乎盍往朝之周公歸之於王稱先王靈神致薦于宮廟使者

迷其歸路周公錫以駟車五乘皆為向南之制越裳使者載之由

扶南林邑海際暮年而至其國故指南車常為先導示有以服遠

人而正四方漢地理志有交趾郡本南粵之地武帝元鼎六年置越裳之國又在其南通兩番之語者曰譯重三譯者謂過三國也七年初武王作邑於鎬京謂之宗周是為西都將營成周

居於洛邑而未東至是成王欲如武王之志定鼎于郊鄭上曰傳世三十餘年七百其後傳世三十七年八百

如曰後世謂左氏在周末亡之前逆知享國之年時之興廢專

歸於術捨棄德政不亦野哉汲冢紀西周二百五十七年通東

周適合七百之數而三統曆西周三百五十二年并東周八百

餘年乃曰周過其曆是前後錯繆不可強通者也

是年二月使召公先相宅三月周公至洛興工營築謂之王城是

鑑二十

四

何



周公  
歸政

太公  
立九  
府法

甘棠  
思召  
公

膠船

周

為東都方千七百二十丈郭方十七里南繫于洛水北因邛山以

為天下之所湊制為郊甸方六百里因西土為千里分為百縣縣

為四都都有鄙外紀所載如此周禮小司徒九夫為井四井為邑

曰此天下之中四方入貢道里均也周公又營成周成王居洛邑

洛邑成周各為城邑遷殷頑民於成周復還歸西都 成王長能聽政十二

月周公歸政於成王成王臨朝周公北面就臣位 初虞夏商之

世幣金有三品或黃或白或赤或錢或布或刀或龜具至是太公

望乃立九府圜法李奇曰圜即錢也圜一寸而重九兩師古曰此

內職金職幣皆掌財幣之官故云九府圜謂均而通也錢圜函方輕重以銖布帛廣二尺二寸

為幅長四丈為匹故貨寶於金利於刀流於泉布於布束於帛

周公留輔成王召公奭不悅周公作書告之以明本意 王嘗問

於史佚曰何德而民親其上對曰使之以時而敬順之忠而愛之

布令信而不食言如臨深淵如履薄冰王曰懼哉對曰天地之間

四海之內善之則臣不善則讎也夏殷之民讎桀紂而臣湯武若

之何其不懼也在位三十七年崩外紀不言壽年據即太子釗立

康王

諱釗成王之子也

元年癸亥初王即位諸侯來朝王作康誥以告之由是諸侯率服十

二年命畢公保釐成周 初召公治西方甚得民和有司請召民

召公曰不勞一身而勞百姓非吾先君文王之志也乃巡行鄉邑

聽斷於隴陌阡畝之間廬於棠樹之下以蚕桑耕種之時乃弛獄

出拘民使得反業自侯伯至庶人無失職者及召公卒人思其政

懷棠樹不忍伐作甘棠之詩歌詠之此蓋文王時事今外紀王朝

諸侯於豐宮成康之際天下太平刑措四十餘年不用在位二十

六年崩子瑕立不具壽年

昭王

諱瑕康王之子也

元年丑周道漸衰月有光五色貫紫微井水溢王巡狩返濟漢漢

濱人以膠膠船王至中流膠液王及祭八公皆溺死在位五十一年

崩不具壽年子滿立

鑑二十

五

穆王

諱滿昭王之子也立年已五十矣

徐偃稱王

元年康王立之後徐夷作亂率九夷以伐宗周西至河上穆王畏其偏分命東方諸侯徐子主之徐子嬴姓地方五百里行仁義得朱弓矢自以為得天瑞乃稱偃王陸地而朝者三十六國王正西巡狩樂而亡返聞徐子僭號乃命造父為御而歸以救偃王之亂命楚伐徐徐子愛民無權不忍闔乃北走彭城百姓隨之者以萬數徐子將死曰吾賴於文德而不明武備故至此穆王乃以趙城封造父其族由此為趙氏即戰國趙之祖也穆王將征犬戎祭公謀父諱曰恭畿內之國周公之後為王卿士謀父字也諫不聽王征之得四白狼四白鹿以歸自是荒服者不至王又命呂侯作祥刑之書以誥四方在位五十五年崩不具子緊扈立

刑作呂

共王

諱緊扈穆王之子也

元年亥游於涇密康公從有三女奔密康公公受之而不獻于王

鑑二十

六

王滅密在位十年崩壽年八十四子躋立韋昭曰康公密之君姬姓也

懿王

諱躋共王之子也

元年酉是時王室既衰詩人作刺今詩無懿王之詩史記所載蓋逸詩也在位二十

五年崩壽年五十弟辟方立

孝王

諱辟方懿王之子也

元年庚自懿王以來德政不修詩人作詩譏刺至是王室愈微七年大雩牛馬死江漢俱凍有非子者善養馬王封為附庸之君邑

秦始受封

於秦即秦皇之祖也在位十五年崩壽年六十五子燹立

夷王

諱燹孝王之子也

元年丑覲禮不明王始下堂而見諸侯荒服不朝命虢公帥六師

下堂見諸侯

伐太原之戎至于俞泉獲馬千匹在位十五年崩壽年六十子胡

立

周

厲王

諱胡夷王之子也

元年諫王為人暴虐無道淮夷入寇王命虢仲征之不克王好任榮夷公大夫芮良夫諫曰夫利百物之所生也天地之所載也而或專之其害多矣匹夫專利猶謂之盜王而行之其歸鮮矣榮公若用周必敗既榮公為卿士諸侯不享 詩之變雅始作 王行修傲國人謗王召公告曰民不堪命矣王怒得衛巫使監謗者以告則殺之國人莫敢言道路以目王喜告召公曰吾能弭謗矣召公曰是障之也夫民慮之於心而宣之於口成而行之胡可壅也今王塞下之口而遂上之過恐為社稷憂王不聽於是國莫敢出言王心戾虐萬民弗忍後三年乃相與畔襲王王出奔于彘 王在彘不敢歸二相周公召公不是周公且召公奭相以太子靜尚幼乃相與和協共理國事故稱共和王崩于彘不具壽年在位四十年

共和

元年庚二相共理國事晉釐侯儉不中禮由是唐之變風始作十

鑑三

七

何

四年厲王崩于彘太子靜長於召公冢二相共立之為宣王

宣王

諱靜厲王之子也

平淮 夷 不籍 千畝 姜后 待罪 永巷 料民 太原 周

元年甲召周公輔王修政法文武成康之遺風王命召公伐平淮夷申伯仲山甫順天下更失理喻德教舉遺士海內翕然尚風諸侯復宗周尹吉甫作詩美之 王不籍千畝號公諫曰民之大事在農故稷為大官今欲修先王之緒而棄其大功墮神之祀困民之財將何以求福用民王不聽千畝謂天子躬耕藉田以勸農二十二年王嘗晏起姜后脫簪珥待罪於永巷使其傅母通言於王曰王樂色而志德失禮而晏起亂之興自婢子始敢請罪王曰寡人不德實自生過非夫人之罪也自是勤於政事早朝晏罷卒成中興之名永巷內庭之室也簪珥冠釵首飾也傅母婦人之師傳也言姜后自責如此三十九年戰于千畝王師敗績于姜氏之戎王既喪南國之師乃料民於太原仲山甫諫曰古者不料民而知其多少且無故而料民天所惡也害於政而妨於後嗣王卒料之料謂簡料其數知多寡也

左儒  
不枉  
義

川竭  
山崩

褒姒  
生

太子  
宜臼  
出奔

周

四十六年初王將殺其臣杜伯而非其罪伯之友左儒爭之于王  
九復之而王不許王曰汝別君而異友也儒曰君道友逆則順君  
以誅友友道君逆則師友以違君王怒曰易而言則生不易則死  
儒曰士不枉義以從死不易言以求生臣能明君之過以正杜伯  
之無罪王殺杜伯左儒死之在位四十六年崩外紀不子宮涅立

幽王

諱宮涅宣王之子也

元年申王無道趙奄父周大之子叔帶去周如晉始建趙氏于晉  
二年西州三川皆震伯陽父曰昔伊洛竭而夏亡河竭而商亡今  
周德若二代之季矣其川源又塞塞必竭川竭山必崩國亡不過  
十年數之紀也是歲三川竭岐山崩 初夏之衰也褒人之神化  
為二龍以伺王庭而言曰余褒之二君也夏后卜殺之與去之止  
之莫吉卜請其瘞而藏之吉韋昭曰瘞龍所吐沫沫龍之精氣也乃布帛而策告之  
龍亡瘞在櫝而藏之傳及殷周莫之發也厲王之末發而觀之瘞  
流于庭不可除也王使婦人不幃而諫之化為玄龜入于王府索隱

鑑二十

八

何

曰龜亦作龜音元玄王之童妾未既齒而遭之齒毀齒未及也勃敬反既笄而孕  
當宣王時而生不夫而育懼而棄之時童謡曰槃弧箕服實亡周  
國有夫婦鬻是器者王使執而戮之逃於道而見鄉音向者童妾所  
棄妖子夫婦哀其夜號而取之逸逃于褒褒人褒姒人名有獄而  
入是女於王王遂置之也置捨棄女子出於褒是為褒姒三年王之  
後宮見褒姒而嬖愛之褒姒年十四與虢石父比而諧申后太子

周大夫尹氏及祭公道尹氏世婦故稱氏祭公亦周之卿士尊敬也主為非

九年王竟以虢石父褒姒之譖廢申后及太子宜臼以褒姒為后

以其子伯服為太子宜臼出奔申太史伯陽曰既音積成矣無可柰

何褒姒不好笑王說之萬方故不笑王與諸侯約有寇至舉烽火

為信則舉兵來援王欲褒姒笑乃無故舉火諸侯悉至至而無寇褒

姒大笑褒姒好聞裂繒聲王發繒裂之以適其意 虢石父為人

佞善諛好利王以為卿用事專任國人皆怨政治多邪諸侯或畔

王室始騷 王嘗為太室之盟戎狄叛之

十一年王欲殺故太子宜臼求之於申申侯弗予王伐之申侯與

鄩人召西夷犬戎伐王王舉烽火徵兵兵莫至在位二十三年犬戎遂殺王于驪山下虜褒姒并殺鄭桓公盡取周寶賂而去諸侯即申國立故太子宜曰是為平王以奉周祀

恕曰汲冢紀年曰幽王死申侯立平王於申虢公立王子余二王並立余為晉文侯所殺是為攜王與舊史不同

秦襄公衛武公將兵救周平戎戰其力有功衛康叔之後康叔武王弟也秦伯益之後也秦由此取周所棄之地國始大卒併諸侯代周而有天下

平王

諱宜曰幽王之子也

元年梓是時幽王既為犬戎所殺豐鄩逼近戎狄不可居乃東遷都于洛邑自都洛邑之後王室微弱號令不行於諸侯政由方伯齊楚秦晉漸大 齊太公呂望之後 楚之先黃帝之後周初有鬻熊能事文王成王之時封其子熊繹于楚姓芊氏音秦伯益之後姓嬴氏周孝王時有非子者善養馬孝王封為附庸諸侯邑

鑑二十

九

於秦 晉之先唐叔虞蓋武王之子也成王與唐叔戲剪桐為珪於是封叔虞於唐國又號晉更歷春秋之世此四國更相征伐天子不能制

魯隱公立

四十八年魯惠公庶子息姑立是為隱公隱公以此年立明年方改元

劉恕曰春秋隱公不書即位左氏曰攝也公羊曰隱長又賢諸大夫拔隱而立之凡隱之立為桓立也穀梁曰君之不取為公將以讓桓也夫非已有而總其事謂之攝已有之而推與人謂之讓攝則非讓讓則非攝也惠公愛少子立為太子公薨國人

不與而立隱公隱承襲有國嘗曰先君有太子矣吾將讓焉雖有是語非誠而偽眷戀君位莫能踐言桓公侯望十年隱不推避羽父伺其閒隙遂成篡奪虛詞兆禍隱實為之桓公立而曰隱攝也久不歸政而吾取之後世惑焉春秋誅意故不書即位謂之公而无異辭明其當立也左氏取桓之說則曰隱攝公羊穀梁信隱詐妄乃曰讓國俱失之也

周

四十九年杞魯隱公元年也魯周公伯禽之後天子微弱賞罰不

孔子春秋

行孔子脩魯史春秋始於魯隱公元年蓋寓褒貶於賞罰以正一

桓王

諱林平王之孫也

元年壬戌九年魯桓公元年也衛州吁弑其君自立國人殺之

十三年伐鄭鄭與王戰射王中肩王亦能軍鄭人遣使謝勞

鄭之先宣王之弟也宣王封之於鄭為伯爵二十三年魯莊公元

年在位二十三年崩外紀不子陀立

恕曰西周昭王始衰穆王盤游無度共豔孝夷陵遲至厲王而

大壞宣王振脩紀綱天下翕然宗周幽王無道平王東遷晉鄭

夾輔諸侯賓從自桓王伐鄭師敗王傷天子威令下同列國吳

楚越本南裔小國而迭為盟主東周之王無中主之才歷二十

世至赧王卒不振而亡詩云不吊昊天亂靡有定式月斯生俾

民不寧言天下之亂月益甚也

莊王

鑑三十

十

諱佗桓王之子也

元年乙酉三年周公黑肩欲弑王而欲立王弟克辛伯告王王殺周

公克奔燕四年王姬歸于齊使魯主昏魯人築館于其外十二

年齊小白歸國是為桓公用管仲為相遂霸諸侯齊有龍鬪管仲

曰天使使者臨君之郊請祭之在位十五年崩外紀不子胡齊立

怨曰古之長民者興事動作必謀於眾廢置遷徙悉因人心愚

者難與慮始黔首信惑靈怪故聖人設鬼神以懼之為卜筮以

斷之以神道設教而天下服矣泥者為之捨棄人事專信詭譎

以管仲之知因齊眾以威諸侯可也他人則近於剛矣蓋明於

天地之性不可惑以神怪知萬物之情不可罔以非類也

釐王音信

諱胡齊莊王之子也

元年瑛齊桓公會諸侯于北杏遂人不至齊人滅遂遂國在濟

三年齊桓公始霸會諸侯為盟主桓公用管仲為政四民不使雜

處制國為二十一鄉作內政而寄軍令謹正鹽筴桓公專任管仲

伐鄭鄭射王中肩

齊小白歸國

桓公用管仲

周

號曰仲父國事皆令問仲父故管仲得以盡其材故能九合諸侯不以兵車成霸功者管仲之力也

恕曰管仲之書大抵審輕重法術持度量權衡以籠天下之權致隣國之弱盡地利以成富強完兵械以臨不服仗王室之威為諸侯之長其術類商鞅其言如韓非其寬厚曠大則過之固非王者之佐矣管仲之德蓋不及其才也

釐王在位五年崩外紀不子閔立

惠王

諱闔釐王之子也

子頹立為王

元年已初莊王愛少子子頹有寵欲立為太子而不克至是大夫邊伯五人怨惠王召燕衛伐周王出奔温居于鄭燕衛及諸大夫立頹為王於是鄭伯號公嫫同謀帥師伐周殺子頹奉惠王歸周王子號公酒泉詔鄭伯由是始惡王在三年事見左傳

鑑二十

十一

魯僖公立

十八年魯僖公元年也狄伐邢齊桓公帥諸侯救邢遷邢于夷儀二十一年齊桓公伐楚責其不供王祭楚子使屈完乞盟于召陵在位二十五年崩外紀不子鄭立

襄王

諱鄭惠王之子也

桓公葵丘之會

元年齊桓公會諸侯于葵丘王使宰孔致胙于齊桓公使無下拜桓公曰天威不遠顔咫尺乃下拜登受胙祭肉也拜於堂下受胙於堂上八年王以戎難告齊齊桓公使諸侯伐周魯僖公十一年戎伐京師遂為王室之難九年桓公卒初惠王少子叔帶有寵惠后欲立之而不克叔帶欲與戎狄伐周王知之將誅叔帶叔帶奔齊在惠王三年奔齊乃魯僖公十一年

狩于河陽

周

十七年狄人奉叔帶伐周王出奔鄭狄人立叔帶為王是時晉文公始返國敗楚師于城濮王告急于晉晉文公帥諸侯伐周而殺叔帶奉王歸周王賜文公為侯伯史記曰賜晉文公珪鬯引矢為伯及河內之地二十年晉文公召王會之河陽踐土諸侯畢朝春秋諱之書曰天王狩于河陽二十六年魯文公元年也在位二十三年崩外紀不子壬臣立

魯宣  
長狄

諱壬臣襄王之子也  
元年癸三年魯叔孫得臣敗狄于鹹獲長狄二人在位六年崩外紀

匡王

諱班傾王之子也

元年配三年使甘歆敗戎于邠垂甘邑也周之大夫四年魯宣公立在位六年崩外紀弟瑜立是為定王

定王

諱瑜匡王之弟也

楚子  
問鼎

元年紀楚莊王始霸楚本子爵夷王之世已僭稱王厲王暴虐乃去王號東遷之後王室微弱遂僭號稱王 三年楚伐陸渾之戎觀兵于周郊王使王孫滿勞之楚子問鼎之大小輕重欲逼周取其鼎滿對曰在德不在鼎周德雖衰天命未改鼎之大小未可問也楚子羞懼而退 十年楚莊王伐鄭晉荀林父帥師救鄭楚大敗晉

大鑑二十

十二

魯成  
公立

師于邲 十七年魯成公元年也 十八年晉卻克以齊侯侵逼魯衛遂請於晉侯帥師伐齊以救魯衛大戰于鞞齊師敗績王在位二十一年崩外紀子夷立

簡王

諱夷定王之子也

吳始  
通晉

元年孫伊洛之戎侵宋 晉遷都于新田謂之絳以絳為故絳 二年吳始通于晉初太王長子太伯讓位季歷自胤於荆蠻荆蠻之人義而從之自號句吳武王克殷封太伯之後於吳至十九世之孫壽夢其國始大先是楚莊王伐陳陳夏徵舒之母夏姬色甚美莊王欲取之申公巫臣諫止之楚令尹子反亦欲取之巫臣又諫子反亦不敢取夏姬鄭女也巫臣使之歸鄭巫臣奉命聘晉遂過鄭取之以行子反以為壽已遂族巫臣之家巫臣怨楚晉楚世為仇敵巫臣請於晉侯乞通吳于晉合力以牽制楚師於是晉使巫臣聘吳巫臣乃教吳車戰使之伐楚楚於是始疲於奔命 十一年魯成公十六年也鄭叛晉即楚晉變書奉厲公伐鄭楚來救晉與





晉悼公立

魯襄公立

孔子生

季札觀樂

周

楚戰于鄢陵大敗楚師射楚子中目楚殺其令尹子反遂退師  
十三年晉悼公立悼公年方十四而甚賢明乃命百官施舍已責  
逮鰥寡振廢滯匡困乏救災患禁淫慝薄賦斂宥罪戾節器用時  
用民使魏相魏頡趙武為卿凡六官之長皆民譽也舉不失職官  
不易方爵不踰德旅不偪師民無謗言所以能復霸也 十四年  
魯襄公元年也在位十四年崩外紀不子泄心立

靈王

諱泄心簡王之子也生而有髻

元年黷晉荀荃帥諸侯大夫會于戚遂城虎牢黷叛晉從楚故城虎牢以逼之

三年無終子嘉父使孟樂如晉因魏絳請納虎豹之皮以和諸戎

晉悼公曰戎狄無親不如伐之魏絳曰諸侯新服陳新來和將觀

於我我德則睦否則携貳因陳和戎有五利晉侯乃使魏絳盟諸

戎 十年鄭人賂晉以歌鍾罍磬女樂悼公以其半賜魏絳曰

子教寡人和諸戎狄以正諸華九年之中如樂之和無所不諧請

與子樂之 二十一年孔子生在位二十七年崩外紀不子貴立

景王

卷二十一

諱貴靈王之子也

元年丁吳使季子聘于魯請觀周樂魯人為奏六代之樂 四年

魯昭公元年也 十八年太子壽卒王少子朝有寵王欲立之未

果 在位二十五年崩外紀不單子劉子立嗣也王次子猛為王

子朝因舊官百工之喪職秩者帥要餞之甲以逐劉子劉子奔揚

單子奉子猛于莊宮子朝之徒夜使人取猛以歸單子出奔子朝

之徒奉王猛以追單子晉人帥師納王猛于王城王猛卒諸大夫

奉王猛母弟丐為王

敬王

諱丐景王之子也諸大夫立為王子朝尚據王城敬王不得入

晉師與大夫攻之

元年壬周大夫尹氏立子朝為王單子劉子與晉師攻之未克

二年子朝帥師出攻諸邑皆克 四年晉師及劉單之師進攻克之

子朝出奔楚敬王入于王城 十一年魯定公元年也 十四年

吳伐楚入郢

申包胥存楚

孔子為魯司寇

魯哀公立

晉長平

孔子卒

周

吳伐楚入郢初蔡昭侯朝楚王之後楚令尹子常不加禮而求賂昭侯怨之以其子為質於吳乞師伐楚於是吳王闔廬子爵也與蔡侯唐侯伐楚子常禦之三戰子常知不可欲奔再戰又敗子常奔鄭吳師五戰及郢楚所也楚昭王出奔于隨吳人入郢處于王宮初伍員與申包胥為友皆楚人也伍員父為楚平王昭王所殺負奔吳與包胥別負曰我必覆楚包胥曰我必復之伍員既奔吳遂導吳伐楚既入郢遂鞭平王之尸包胥乃如秦乞師秦伯使就館包胥依於庭牆而哭日夜不絕飲食不入口七日秦哀公為之賦無衣乃為之出師申包胥以秦師至遂敗吳師吳師乃歸昭王復國 十六年子朝之徒作亂王出奔于晉 十七年晉侯帥師納王王入于王城 二十四年吳闔廬伐越為越所敗重創而死其子夫差立誓於復讎

鑑二十

十四

三村

恕曰子產從政一年輿人曰孰殺子產吾其與之三年誦之曰子產而死誰其嗣之孔子為司空司寇得政已數年攝行相事民謗之三月而後誦之彼一賢一聖猶得民若此之難也後之為政善惡興於愛憎之口毀譽出於狡獪之吏非至當論也 二十六年魯哀公元年也夫差伐越敗越於夫椒遂入越越其先夏禹之後也封於越為諸侯越子勾踐既敗以甲楯五千棲于會稽使大夫種行成於吳夫差將許之伍員諫曰不可勾踐能親而務施施不失人親不棄勞與我同壤而世為仇敵於是乎克而弗取將又存之違天而長寇讎後雖悔之不可食已姬之衰也日可俟也介在蠻夷而長寇讎以是求伯必不行矣弗聽退而告人曰越十年生聚而十年教訓二十年之外吳為沼乎 一十八年吳夫差與晉侯相會於潢池爭長吳人曰於周室我為長晉人曰於姬姓我為伯晉司馬寅曰夷德輕請待之謂吳在荆蠻即夷也乃與之先 四十一年孔子卒 恕曰包犧以來聖王興利知者創物生民日用資而仰之然其

祠冢苗裔自天子至于庶人莫不宗奉歷千餘年未有如孔子之盛者豈非君臣父子仁義禮樂之教雖蠻貊之邦不可斯須捨乎

王在位四十三年崩外紀不子仁立言壽年

元王

諱仁敬王之子也

越滅吳

元年越侵楚楚追越師至其不及乃還秋楚伐東夷東夷越與國也

三年越伐吳滅之初越勾踐為吳所敗棲于會稽使大夫種行成于吳吳王許之勾踐反國乃苦身焦思置膽於坐卧即仰膽飲食

越王嘗膽

即嘗膽身自耕作夫人自織折節下賢厚馮賓客振貧吊死與百姓同其勞苦二十餘年其民生長可用乃以伐吳吳王兵敗棲於

姑蘇吳使人行成請曰孤臣異日得罪於會稽孤臣不敢逆命得與君王成以歸今君王誅孤臣孤臣意者亦欲如會稽之赦罪勾

踐不忍欲許之范蠡曰會稽之事天以越賜吳吳不取今天以吳賜越越其可逆天乎且君王早朝晏罷非為吳耶謀之二十年一

鑑二

十五

且棄之可乎且天與不取反受其咎吳王乃自殺勾踐既敗吳乃

命越為伯

以兵比渡淮與齊晉諸侯會于徐州致貢于周元王使人賜祚命為伯諸侯畢賀元王在位八年崩外紀不子介立言壽年

貞定王

諱介元王之子也

元年癸酉魯哀公欲以越去二桓不克遂遜于小邾二桓叔孫仲孫季孫也

晉六卿強

十一年初晉有智氏趙氏韓氏魏氏范氏中行氏號為六卿六卿強而專權晉侯年弱不能制是歲智伯與韓趙魏共滅范氏中行

氏而分其地 十三年智伯又約韓魏共伐趙趙襄子知之守備已具智伯與韓魏攻之凡三年不能克襄子使人告韓魏韓魏乃

反攻智伯滅之與趙共分智伯之地 十六年初齊桓公之世陳公子完得罪於陳而奔齊齊桓公使為工正陳舜之後也武王封

陳氏盜有齊權

於陳為諸侯完奔齊更姓田子孫盛多其後齊亂公室卑弱諸大夫自相爭奪權歸田氏田氏好施以家量貸於民而以公量收之

周

家量大斗小斗民皆戴之國內多篡弒立君皆由田氏有田恒者弒齊

秦伐義渠

簡公恒之子般號襄子為齊相至是與二晉韓趙魏也通使盡以其兄弟宗人為都邑大夫 二十五年秦伐義渠虜其王韓魏共伐伊洛陰戎遺脫者皆西走踰汧隴自此中國無戎寇惟有義渠一種王在位二十八年崩外紀不子去疾立三月弟叔襲殺去疾而自立是為思王立五月少弟嵬攻殺思王而自立

考王

諱嵬貞定王少子也

元年辟是歲晉幽公立止有絳曲沃二邑餘皆入於韓趙魏王在位十五年崩外紀不子午立

如曰孔子作春秋筆削美刺游夏不能措一辭魯太史左丘明以仲尼之言高遠難繼為之作傳後之君子不敢紹續焉左氏據魯史因諸侯國書繫年敘事春秋之所貶損其事實皆形於傳後漢獻帝以班固漢書文繁命荀悅依左傳躰為漢紀自是袁宏張璠孫盛干寶習鑿齒以下並為編年之書本朝去古益遠書益繁雜學者專尚西漢書博覽者乃及史

卷二十

記東漢書近代士頗知唐書自三國至隋下逮五代懵然莫識如皇祐初舉進士試禮部為司馬公陶生侍大儒得聞餘論公脩資治通鑑如為屬吏自念生平事業無一成就因取諸書以國語為本編通鑑前紀又以不能編後紀乃更曰外紀猶國語為春秋外傳之義而病眼病瘡不寐不食陶潛預為祭文杜牧自撰墓誌夜臺甫尔歸心如飛聊敘不能作前後紀而為外紀焉它日公為前後紀則可刪削外紀之煩冗而為前紀以備古今一家之言如雖不及見亦平生之志也

右五帝三代編年甲子温公資治通鑑始於威烈王史記始於共和劉道原外紀自伏羲神農以來皆有甲子編年其下各注疑字蓋疑以傳疑之義

周

增節標目音註精議資治通鑑卷第二十



